

欽定科場條例

欽定科場條例卷七

順天鄉試正副考官

現行事例

一順天鄉試考官開列由進士出身之大學士協辦大學士尙書以下副都御史以上銜名另爲一單並未考試差之侍郎以下副都御史以上各員另爲一單其有兼管順天府尹如係大學士兼管者仍行開列暨順天直隸人員並例不開列及考過

試差應行扣除者均另爲一單隨本進

呈於八月初四日以前。按道光八年以後順天鄉試俱於初四日具題繕

本密題恭請

欽命正副考官各一員。

按乾隆四十五年以後順天鄉試俱

欽派正副考

官三
四員初六日宣

旨入闈考官銜名。禮部於七月中旬咨取到部奉

旨後仍行知順天府如恭遇

皇上時巡謹按道里遠近酌量先期辦理。凡題派各官均做此

順天鄉試派出官
員均行知順天府

一考官題本內將上三科考官暨近三科會試
考官各銜名繕寫夾單一併進

呈。

一考官咨取銜名到部遇有病痊假滿服闋於
本年補任並差竣回京及陞任降補暨署缺人
員學政任滿到京外任調任京職之侍郎等官
未能與考者一併歸入未考試差單內開列毋
庸註明未考緣由

各省鄉試及會
試考官俱同。

一具題考官其開列官員內有無陞遷事故具

題前預行查明本內更正扣除。各省鄉試考官順天鄉試同考

官會試考官同考官俱同。

一宣

旨。禮部預期行知工部備設黃案并知會鴻臚寺及

開列各官常服朝珠前往

午門外候捧本侍衛齎至跪聽大學士拆封宣

旨畢點出者謝

恩行三跪九叩禮迅速入闈不到者一面叅奏一面

請

旨另派。其未經開列人員奉

特旨派出者。由部專差傳該員同到。不得羈遲。違者
叅處。禮部派司員赴內閣領出題本。仍知照各
衙門。

一考官聽宣。禮部咨取都察院御史銜名。奏派
滿洲御史一員。漢御史一員。查收應行聽宣等
官職名。如有無故不到者。將該員叅處扣除。
一派考官。遇有事故。應否另派。奏明請

旨。

一考官入闈後。遇有服制事故。該承辦衙門。毋

庸移會場內。俟撤棘之日。令其守制。鄉會試主考同考內

簾等

官同

一領出題本。與各省題本。一併移送禮科轉繳

內閣。

例案

順治初年定。順天鄉試。於八月初六日。凡係開

列具題。內外簾之文武大小官員。俱於是日。聚

明。各備朝服。按現行條行李齊集

常服朝珠

午門外聽候宣

旨。凡點入簾者一體謝

恩。卽同入貢院。如有一名不到者。聽禮部查叅議處。

乾隆十七年御史歐陽瑾奏准。開列具題內外
簾大小各官宣

旨不到者。一面叅處。一面請

旨換人。其不在開列之中。而

點出者。該部專差官人。傳同該員速來。不許托詞稽延。
其應到不到之員。部臣瞻徇不叅。被他人叅出。

將該部一併議處。

乾隆二十四年議准御史朱丕烈條奏。凡各衙門咨送人員。有籍隸順天直隸者。俱照舊例扣除。但考試名單。不在禮部。是以向來俱未將籍貫開明。隨本恭

進。應如該御史所請。嗣後禮部行文吏部。將

御試人員註明籍貫。開具清單咨送禮部。隨同題本進

呈恭候

簡用。

乾隆四十五年。議覆知貢舉謝墉條奏鄉會試主考同考內簾等官。入闈後。遇有服制事故。無論曾否送卷。該承辦衙門毋庸移會場內。均俟撤棘之日。令其守制。

乾隆五十一年奉

旨。凡遇鄉試之年。朕駐蹕熱河。所有禮部請點主考同考官本。於八月初二日馳至熱河呈進。尙不爲遲。此次於前月二十八日。卽行呈進。實屬太早。著傳諭禮部堂官存記。嗣後遵照辦理。欽此。

乾隆五十四年奉

上諭。滿漢各項考試閱卷大臣。吏禮二部。自應按照衙門。通行開列。候朕酌點。若預先知會各員。聽其自行咨送。再爲開列。其情愿列名者。安知非意中實有關係之人。希冀入場照應。於考試實有關係。嗣後凡遇考試事宜。除實係患病。仍照例扣出外。所有各衙門。例應請派閱卷之各堂官。俱著通行開列。聽候點用。欽此。

嘉慶十二年軍機大臣面奉

諭旨。向例禮部請簡鄉會試正副考官。俱將上三科考官銜名。夾單進呈。嗣後順天鄉試。除將上三科正副考官開單進呈外。著將近三科會試正副考官。一併開單進呈。會試除將上三科正副考官開單進呈外。著將近三科順天鄉試正副考官。一併開單進呈。欽此。

嘉慶十五年奉

上諭。曹師曾奏鄉會試考官等聽候宣旨。請添派御史稽查一摺。每科鄉會試屆期。所有正副考官及同考

御史等官。自應遵照定例。在午門前恭候宣旨謝恩。卽行入場。近日竟有不到午門前祇候。在家得信。徑赴貢院。殊非敬事慎密之道。著照所請。嗣後添派滿漢御史各一員。查收應行聽宣職名。除內廷行走。與是日在圓明園奏事。及有執事各員。先期行知都察院外。如有無故不到者。卽將該員叅奏扣除。不准入場。仍交部議處。欽此。

道光八年。禮部奏准。順天鄉試正副考官。各部尙書。兼管順天府尹。向係開列。嗣於道光二年。

議准。順天鄉試漢監臨開列兼管順天府尹及府尹銜名奏。

派查該府尹入場監臨。所有印信。係兼管府尹管理。於開列考官。自有窒礙。現據吏部聲明。尙書盧蔭溥管理府尹印信。堂銜不克開送。應請於具題考官本內扣除。以重職守。嗣後卽照此辦理。又軍機大臣面奉。

諭旨。本年順天鄉試題本。著於初四日具題。欽此。

道光十二年。片覆內閣片稱。八月初四日祭。

社稷壇。

皇上親詣行禮。是日應不進本。所有具題鄉試主考等官本章。是否仍於初三日送閣。初四日具題。等因到部。查道光九年三月初五日祭

先農壇。本部具題會試考官本章。仍於初五日進呈。又本年四月初十日行

常零禮。本部具題繙譯考官本章。亦於初十日進

呈。各在案。所有本年順天鄉試密本。自應遵照向例。仍於初三日送閣。初四日具題。

道光十三年奉

上諭御史宗廣奏。點派考官拆封禁止窺探攙越一摺。順天鄉試。禮部會試。點派考官密本。向係大學士於午門前拆封。眼同稽察御史宣旨唱名。凡不入闈者。俱應迴避。如該御史所奏。近年以來。每屆拆封之期。竟有未經考差。及無執事閑人。混入其中。紛紛擁擠。殊非慎重關防之道。嗣後考官拆封之日。著禮部於午門中間。恭設黃案。爲拆封及接收覈對之用。並責成稽察御史認真查察。倘仍有窺探攙越等弊。卽行

據實叅奏。欽此。

道光二十九年。軍機大臣。面奉

諭旨。向來題請簡放順天正副考官本內。大學士及協辦大學士銜名。如經開列。仍著照常辦理。或向不開列。卽自本年己酉科爲始。嗣後一體開列。並於各銜名下。將歷經簡放學政。並鄉會試正副考官。及同考官之處。分晰註明某年某科。毋稍疎漏。欽此。

附載舊例

順治一年定。順天鄉試主考。府臣先期題請。禮部將應差者。疏名上請。

康熙三十九年覆准直隸正副主考除應開列
官員照常開列外將侍郎學士京堂翰林科道
部屬等官由進士舉人出身者無論已未典試
通行開列。

鄉試考官

直省鄉試正副考官

現行事例

一題派各省鄉試考官。行文各衙門。咨取進士出身之考過試差。並未考試差侍郎以下。京堂各官銜名。行文吏部。咨取考試試差引。

見銜名。分別宗人府主事。內閣侍讀學士以下。翰林院讀講學士以下。詹事府少詹事以下。各部郎中員外郎主事六科各道。國子監司業。及中書。

評事博士監丞助教等官。分繕清單。隨本密題。其籍貫科分俸次及曾經某科某省典試某科鄉會試分房。並應行迴避省分。由各衙門詳細開明送部。於單內各銜下分註。

一具題各省考官。雲南貴州以四月下旬。廣東廣西福建以五月上旬。四川湖南以五月中旬。

按嘉慶十八年奉

旨廣東廣西福建三省定於第二次具題。湖南四川二省定於第三次具題。

湖北浙江江西以六月上旬。陝西江南以六月中旬。山東山西河南以七月上旬。先後題

請

欽命正副考官各一員。卽行知各省。如五六月遇

閏。仍分別省分。奏明展限一月。如恭遇

聖駕時巡。酌量道里遠近。前期發報具題。

按嘉慶五年。四川廣

東廣西湖南福建。俱於五月上旬具題。

一題本下內閣。禮部派司員領出。行知點出各

官。次日常服詣

午門前。聽禮部堂官宣

旨。宣畢。各官行三跪九叩禮。如遲延不到。卽行叅奏。

一各省考官限五日內起程。有在京逗遛者。禮部查明叅奏議處。其應給勘合驛馬。亦由禮部行文兵部照例給發。

一

賞給考官路費銀兩。雲南八百兩。貴州七百兩。四川廣東廣西福建湖南六百兩。江南浙江湖北江西陝西五百兩。河南山西山東四百兩。起程前戶部先給銀二百兩。餘俟試竣回京時。該省督撫於存公銀兩內支給。如考官係四品以上大

員戶部毋庸先給。

一各省正副考官內如遇有丁憂事故奏明請旨改派一員前往如試期已近改派不及者奏明令一員專辦。

例案

順治二年定鄉試主考題差係扣定日期稍一延緩不免誤事考官如

命下實在病重許卽日具疏辭免在京丁憂者止用本衙門印信手本到部司卽擬堪補官員坐名題

請。按乾隆五十四年兵部員外郎盛惇崇

簡放陝西主考。

命下。聞計丁憂。經

留京辦事王大

臣奏請另派。其出京未遠而有憂制。度其道

里時日。尚可差官更替。取所在官司公文印信。

火速差人赴部投遞。卽與題請更代。俱免自奏。

以致耽延時日。如中途聞有憂制等項。題補無

及者。止行所在有司。轉申本省撫按官代奏。本

官卽先回籍守制。其現在一員。或正或副。卽前

赴科場。併力辦事。已到地方者。監臨官具本奏

聞。其丁憂官。仍須起有原籍印信公文。或家眷在京。起

有本衙門印信公文送至所差地方附郭有司衙門看無違礙方許申報。本官不得擅通家報。順治十七年題准。直省正副考官。

命下之日。轉行兵部。各給郵符。剋期起行。不許淹留京邸。

康熙三年題准。鄉試正副主考。不必指定某衙門官。差往某省。各衙門應差官員職名。概行開列題請。

欽點。

康熙十一年題准各省鄉試主考內閣進士中書與各衙門應差官員一體開列題差。

康熙二十九年題准試差奉

命限五日內起程如故遲不行許科道題參交與該部

嚴加議處

雍正元年奉

上諭湖南士子赴湖北鄉試必經由洞庭湖湖水浩瀚無涯波濤不測六七月間風浪尤險間有覆溺之患朕心深爲惻然或至士子畏避險遠裹足不前尤非

朕廣育人材之意。今欲於湖南地方建立試院。每科另簡考官。俾士子就近入場。永無阻隔之虞。其遂觀光之願。明春卽分湖南湖北兩闈考試。欽此。

雍正三年奉

上諭。前各省正副主考。朕皆視其人謹慎者。派往。並未試其文藝。間有不能衡文者。此皆由中式之後。荒疎年久故耳。著將應差委之翰林。由進士出身各部院

官員查奏。朕試以文藝。差委。欽此。

按現行例。鄉會試差。城內在。乾清

宮。圓明園在

正大光明殿考試。

欽命

四書題一道。五經題一道。詩題一道。

特派

大臣閱卷分別去取入選者不發名單禮部按
照引見次序通行開列題請欽點

又奏准各省正副主考奉

旨試以文藝差委應否將翰林並由進士出身之部院
郎中員外郎主事中行評博及此內由舉人出
身之人一併考試之處請

旨奉

旨用由進士出身之人不用由舉人出身之人欽此

乾隆三年奉

上諭每科主考差往各省彼地督撫有無餽送路費向

無定例其數目之多寡亦無成規伊等同京時有奏聞有不奏聞者亦不畫一自應酌定一例俾永遠遵行庶無輕重不均之事今朕酌量道途之遠近分別路費之多寡雲南八百兩貴州七百兩四川廣東廣西福建湖南六百兩江南浙江湖北江西陝西五百兩河南山西山東四百兩爾等可寄信各督撫遵照此數不得以私意增減主考等亦不得於此數之外更有所受將此永著爲例欽此

乾隆六年奉

上諭各省主考回京時。例於該省存公銀兩內。賞給路費。朕念伊等出京時。資斧艱難。一時無處稱貸。著戶部每員先給銀二百兩。知會該省於應給路費內扣除。欽此。

又奉

旨。每進禮部各省試差本時。其本內應點人員。如有事故。開明事故。如無事故。聲明並無事故。清單隨本進呈。欽此。

乾隆二十四年奏准。本年係各省鄉試之期。遇

有閏六月。若照舊例題請。

欽點正副考官。未免期限太寬。今酌擬將雲南貴州四川廣東廣西福建湖南浙江江西湖北陝西江南十二省典試官。各展遲一月。挨次題請。考官遵依定限起程。庶關防嚴密。而於定制仍相符合。至河南山東山西三省。例在七月上旬題請。毋庸酌改。

又議准。遇鄉試年。行文吏部。將考差人員註明籍貫。單咨送過部。隨本具題。

乾隆四十四年奏准。查中書評事博士。並國子監科甲出身人員。舊例准予一併開列。現在進士出身之中書等官。俱例得考試。所有國子監監丞助教等。既均係進士出身。且係七品京官。與中書等品級相同。應准其一體考試。以免向隅。再國子監官。每月以文字課士。於校閱之事。尚屬相宜。至別項人員。自不得援以爲例。

又奉

旨。嗣後著該部於請點各省考官時。將點過會試房考

各員於名下開註明晰。毋得再行牽混。欽此。

乾隆四十六年。尙書額駙公福隆安等奏准。考差名單。交吏部開具循環清冊。由軍機處轉交奏事處隨時覈對。

乾隆五十五年奏准。查題派各省鄉試主考。開列人員。向有照常開列及通行開列兩單外。又有考過試差官單。其實止有京堂及考差兩項。請嗣後題派各省主考。除本年考過試差官單外。其餘止將例不考差之侍郎以下京堂。另列

一單。如有曾經典試及會試分房者。各單銜下分註。

乾隆五十七年奉

上諭。朕閱給事中拴住從前條奏各款。內有外省鄉試請照順天之例。欽命題目。並派出之正副考官。限五日內起程一款。業經禮部議駁。今思各省鄉試題目甚多。若一一皆須欽命。殊爲繁瑣。其事自不可行。至正副考官。限以五日內起程。係爲防弊起見。各省考官。派出後在京耽延多日。難免無交通囑託情弊。拴

住所奏不爲無見。嗣後派出各省正副考官俱著於五日內起程。至禮部請派考官。向例按照省分遠近。以次進本。行走日期本寬。今考官起程。既定限五日。若仍循向例。進本請派。則爲期更寬。該考官等勢必在途逗遛。以符到省入闈之期。並著該部覈計各省程站遠近。較向來進本日期。酌改緩數日。不必拘泥舊例辦理。以杜弊端。欽此。按舊例題派考官。雲南貴州。以四月中旬。四川廣東。以五月中旬。是年遵酌改。雲南貴州。以四月下旬。廣東廣西福建。以五月下旬。四川湖南。以六月上旬。

嘉慶六年。陝西布政使溫承惠奏。陝西正考官翰林院編修靳文銳。因沿途感冒暑熱。入內簾後。病勢漸重。三場試竣。於八月十八日移出貢院。安置寓所。並咨會副考官內閣中書譚元督率各同考官併力校閱。詎正考官靳文銳於八月二十一日午時身故。謹將靳文銳病故緣由具奏。奉

上諭。溫承惠奏。陝西正考官編修靳文銳病故一摺。靳文銳奉差入闈。患病身故。係屬歿於公事。向例正副

考官於試竣回京時有應領薄廩給費銀兩今新文
銳業經身故是不應支給但念伊卅老子幼家復寒
苦殊堪憐憫著加恩將此項盤費銀兩仍行賞給俾
作路費或有敷餘並資喪葬之用以示體恤欽此

嘉慶九年奉

上諭向來部院各官補授實缺者方准考試試差候補
贊善黃越現在尙未得缺但念該員本係實缺主事
經朕特恩擢授贊善所有此次考試著加恩准其一
體與考試欽此

又奉

上諭御史周廷森奏。今歲考差。凡試卷取在前者。如涂以翰第一。盧蔭溥第二。陳希祖第三。其餘十名前。張志緒。張燮。談祖綬。鮑桂星。周希英等。人人傳說。恐取揣摩夤緣之弊。請加訓飭等語。所奏甚是。考試試差。派出閱卷大臣。均應公正居心。慎密從事。其取錄之卷。旣不宣示外人。自無由知悉。今該御史所奏。外間傳述之十名前。惟張志緒不在其內。其餘俱屬相符。實堪驚詫。朕所派之大臣。不應如是。朕視如手足。諸

臣不以腹心視朕。一味瞻徇情面。任意矢口交談。臣不密則失身。諸臣豈竟忘乎。若非閱卷大臣於所取各卷。偶記詩句一二聯。向人傳說。何致外間揣擬名次。不甚參差。閱卷諸臣皆係大員。若如此不可信任。朕將何以用人乎。此時若將閱卷大臣一一究問。必俱不承認。亦屬不成事體。朕仰體

皇考不爲已甚之訓。此次姑不深究。諸臣惟當內愧於心。有則改之。無則加勉可耳。嗣後考差之年。倘仍有傳說名次。經朕查出漏洩確據。必當從嚴辦理。決不

稍貸欽此

嘉慶十二年奉

上諭據給事中周廷森奏上次考差時其取在十名以前者外間傳述惟張志緒不在其內餘均屬相符查向來考差均係次日欽點大臣進內閱卷嗣後可否卽於考差之日點出閱卷大臣令其入直住宿次日公同閱卷似關防較爲周密等語所奏似爲防弊起見而實不可行考差一事原應慎密其考取進呈各試卷豈容稍有漏洩致外間傳訛預知甲乙但此事

之慎密與否。全視乎閱卷之人。其心存慎密者。卽有人探問。自不肯稍露端倪。亦不必預爲防範。如其人不慎密。卽使前期加以關防。而閱卷之後。隨時將卷中文章詩句。任意傳播。又豈能日久關防乎。該給事中謂鄉會兩場考官等。均係先期入場。遂欲仿照辦理。殊不知鄉會兩場。局試月餘。至放榜之日爲止。考官等原可關防不出。若考取試差。則自四月間閱卷進呈之後。陸續簡放主考。直至是年秋間鄉試。次年春間會試之後。簡用方畢。勢不能將閱卷之人。日久

關防若照該給事中所奏。僅止關防一宿。又於事何益。從前考差。有將考取名次。發單傳知。帶領引見者。蓋預考之人。即使自知考取。亦不能預知簡放何省。何從滋弊。況現在大員中。其科甲出身者。不過十餘人。若盡疑其作弊。豈轉舍科甲出身之員。另派他項人員閱卷耶。嗣後派出閱卷各大臣。惟當自知慎密。不可稍有疎漏。設或考差之後。外間再有傳說名次先後。以及文章詩句者。不難卽向傳說之人。究明係何人告知。將漏洩之員。從嚴議處。俾知儆惕。不在多。

設科條也。欽此。

又奏准刑科給事中趙慎畛前經奉

派江南副考官。定例於八月初六日入闈。該家屬於八月初八日在京呈報丁憂。覈計日期已在該員入闈之後。行文該省督撫。照例俟撤闈之後再令該員回籍守制。

嘉慶十三年奏准本年鄉試之期遇閏五月。所有各省考官應照例請

旨各分別展期一月。將雲南貴州二省於五月下旬具

題四川廣東廣西福建湖南五省。於閏五月下旬具題。其浙江江西湖北陝西江南河南山東山西八省。仍照向例。於六月七月分別具題。俾考官依限起程。按期到省。以符定制。

又奉

上諭。此次考差人員。著定於五月初六日考試。因思歷屆考差日期。多在上科庶吉士散館。及新科進士殿試以前。是以是年甫經留館之編檢。及新科授職之一甲三名。向俱不及與試。現在考試試差。雖已在各

項試期之後。所有前項。仍俱毋庸與試。嗣後凡遇考
差。如在本年散館殿試以後。卽著照此次辦理。欽此。
又奉

旨。所有進士出身之滿漢二品侍郎內閣學士。並三品
京堂及未經考試試差之四五品京堂。俱著於本月
二十七日黎明。齊集乾清門。在上書房考試。其有自
揣年老。學問荒疎。不願赴考者。仍聽其便。並著向禮
部聲明。將來該部題請簡放各省考官本內。卽毋庸

開列。欽此。

謹按道光二十九年奉

旨。嗣後將未經考差之京堂各員另繕一單。隨本同

進、毋庸註明未考
緣由等因。欽此。

嘉慶十五年奉

上諭。向來遇鄉會試大典。循例預行考試。試差以備簡用。每次考試。外間多有稱考取名次漏洩。妄生擬議者。實爲近時陋習。本年考試前一日。御史賀賢志具奏一摺。請於官員點名畢後。卽將派出閱卷大臣。予以關防。殊屬無謂。定例科場年分。不准條奏場務。况伊本係應考之員。卽使確有見聞。自當早爲陳奏。何必於考試之前一日。始行奏及耶。試思所派閱卷大

臣皆大學士尚書侍郎等。若必嚴密關防。謂伊等
不足信。是跡近猜疑。豈君臣相示以誠之道。且考試
試差之卷。並不易書。各大臣等。如平日有認識筆跡
者。又豈關防所能杜絕。賀賢志違例條奏。卽付之吏
議。處分亦不甚重。著毋庸交部。如伊不與考。則已。若
現已報考。卽著扣除。至屢屆考差。係由閱卷大臣。將
擬定甲乙。另書空名之名單。隨卷進呈。候朕親拆。彌
封填註姓名。及至點放時。則經朕特簡有名次在後
而出試差者。亦有名次在前。並房考官俱不用者。原

不拘定所取之高下。此次著閱卷大臣。竟不必排定名次。惟各於所閱之卷。將取與不取。分爲兩束。自註銜名。一體進呈。候朕詳加披覽。親定去取。前後以杜浮議。卽其所閱之卷。是否公當。亦無難一覽而知也。欽此。

嘉慶十八年奉

上諭。直省鄉試考官。禮部向按道里遠近。分次請簡。宣旨後。考官限五日內起程。其同日簡派者。起程時仍須分起出京。以便沿途驛站輪流付給夫馬。此內第

二次同日進本之廣東廣西福建湖南四川五省。程
站本遠近不齊。派出考官十員。於五日內分起行走。
亦覺擁擠促迫。著禮部將廣東廣西福建三省。定爲
第二次進本。湖南四川二省。定爲第三次進本。餘仍
照舊例行。欽此。

又咨准。癸酉科鄉試。應請

欽派雲南貴州正副考官。前准通政使司將叅議賈允
升堂銜開送到部。今叅議賈允升陞任內閣侍
讀學士。未便與例不考差之京堂各官一體開

列。按是年軍內卽將賈允升扣除。

又軍機大臣面奉

諭旨。禮部所進典試本內。未將王麟英和初彭齡開列具題。王麟英和因有服制。自不應開列。初彭齡宋鎔俱有老親。宋鎔現在開列。初彭齡亦應開列。嗣後本內除例不應開列者不必開列外。其餘均照例一體開列。欽此。

嘉慶二十四年奉

上諭。點派考官題本。除會試及順天鄉試於午門前拆

封宣旨外其外省試差題本仍著於內閣拆封禮部領出宣旨儀注均照舊例行欽此

道光五年奉

旨由進士出身之滿漢侍郎內閣學士三品京堂及四五品京堂內未與考試試差者俱著於五月初四日在宮內上書房考試其有不願赴考者聽仍向禮部聲明於開列考官本內扣除其已經考試現陞詹事之鍾昌著毋庸再行考試欽此

道光八年奉

上諭。向例翰林院每逢值日。將修撰編檢等官。輪班帶領引見。嗣經改爲每屆恩科正科鄉試之年。輪班帶領二次。朕思考試試差人員。既經吏部帶領引見。何必又須翰林院輪班帶領。嗣後著將簡放試差年分輪班引見之例停止。欽此。

道光十二年奉

上諭。三載賓興。爲掄才大典。各直省主試。經朕特加簡任。宜何如滌慮洗心。認真校閱。務求爲國得人。順天同考官及會試同考官。俱係翰詹科道部屬。該員等

甲第本高。又經朕親加校試。尙無荒謬之人充選。所以得人較盛。各直省同考官。則年老舉人居多。勢不能振作精神。悉心閱卷。卽有近科進士。亦不免經手簿書錢穀文理。日就荒蕪。各省督撫雖照例考試。簾官仍恐視爲具文。全恃主試搜閱落卷。庶可嚴去取。而拔真才。士子握槩懷鉛。三年大比。一經屈抑。又須三年考試。或竟有終身淪棄者。豈不可惜。該主試俱係科甲出身。試迴思未第先芸窗誦讀。與多士何異。若祇就薦卷照常挑選。而於落卷漠不關情。設身處

地於心何忍。嗣後各省督撫。務將簾官認真考校。不得於年老荒謬之員。濫行充數。其典試各員。必須將闈中試卷全行校閱。不得僅就薦卷取中。方爲不負委任。現在簡放雲南貴州考官之時。剴切詳明。特申告誡。倘各省正副考官。草率從事。一經朕別有訪聞。卽將該主試嚴懲不貸。將此通諭知之。欽此。

道光十五年。本部具奏。查向例鄉試之年。臣部題請

欽派各省考官。俱照道路遠近。扣算程途。按期具題。如

遇閏月先期奏明分別展期辦理本年舉行

恩科鄉試所有雲貴等省考官例應於四月五月六月題請

欽派惟查本年係閏六月自應按照程途遠近分別展期臣等謹查照向例奏明請

旨將雲南貴州二省於五月下旬具題廣東廣西福建三省於六月上旬具題湖南四川二省於六月中旬具題浙江江西湖北三省於閏六月上旬具題陝西江南二省於閏六月中甸具題其河

南山東山西三省。仍照定例。於七月初旬具題。俾考官依限起程。按期到省。以符定制。等因。一摺。奉

旨。依議。欽此。

道光二十三年。准工部咨稱。已考試差之主事。宗室英綬。現陞兵部員外郎。應由兵部開送。主事德齡。現陞詹事府右中允。應由詹事府開送。等因。查本部向來辦理考官。本內有由考差後陞任之員。均由原衙門開送。於銜下註明。現陞

某官字樣。所有主事宗室英綬主事德齡二員。應仍由工部開送。

又准戶部咨稱。具奏議減各司支領款項各事宜。摺內奏准。嗣後各省正副考官。除五品以下各員。仍准在部預支路費。其四品以上大員。簡放主考者。毋庸預支路費。以示區別。

道光二十九年。軍機大臣面奉

諭旨。嗣後禮部進本請簡各省鄉試考官。將未經考差之京堂各員另繕一單。隨本同進。毋庸註明未考緣

由欽此。

咸豐元年奏准。署理吏部右侍郎何桂清服闋
到京。未遇

欽試。謹擬照道光二十九年

諭旨。將該員於未考試差單內一體開列。並請嗣後遇
有病痊假滿服闋於本年補任。並差竣回京。及
陞任降補暨署缺人員。學政任滿到京。外任調
任京職之侍郎等官。未能與考者。一併歸入未
考試差單內開列。毋庸臨時請

旨亦毋庸註明未考緣由等因奉

旨依議欽此。

附載舊例

順治初年定題差鄉試考試官日期雲南貴州
四月初一日題四川廣東廣西福建五月十二
日題浙江江西湖廣六月十三日題陝西江南
六月二十三日題河南七月十三日題山東山
西七月二十日題順天八月初四日題

順治二年定各省主考該巡按御史先期題請
禮部將應差者先後疏名上請

順治五年題准直省鄉試正副主考官令內院
吏部禮部公同考選差往其各省同考官令該
巡按提學公同考選派往

順治八年題准順天江南正副主考浙江江西
福建湖廣正主考差翰林官入員浙江江西福

建湖廣副主考。山東正主考。差給事中五員。山東副主考。山西正副主考。河南陝西正主考。差光祿寺少卿一員。吏禮二部司官各二員。河南陝西副主考。四川廣東正副主考。廣西雲南正主考。差戶兵刑工四部司官各二員。廣西雲南副主考。貴州正副主考。差行人二員。中書評事各一員。如光祿寺官或缺。戶兵刑工四部司官充山西副主考。中書行人評事充廣東副主考。凡應差八員。總送十六員。應差五員。總送十員。禮部會同內院擬定正陪。疏請。

簡命。

順治十七年題准。直省正副考官。除曾經典試及會試分房不開外。其現在各衙門應差各官。不擬正陪。通列職名。題請。

欽點。

雍正四年將

御試取定八員。書名牙籤。盛以金筒。每屆按省分差。之期。設黃案於

午門外。令書名人員齊集。

命大學士同禮部堂官。捧金簡置黃案上。舉筆唱名。宣

讀

上諭畢。大學士將所舉名籤恭請

欽定正副主考。遵旨差往。

乾隆元年奉

上諭。今歲八月舉行恩科鄉試。其正副考官。著張廷玉、鄂爾泰、朱軾、徐本、邵基、任蘭枝、徐元夢、福敏、孫嘉淦、楊名時、於翰林科道部屬內。各據所知。多舉數員。於五日內。交送內閣彙奏。候朕考試簡用。欽此。

乾隆三年奉

上諭。今年鄉試屆期。昨降旨。派大臣等各舉數人。以備考試簡用。今思翰林科道部屬等官。應差主考者。人數甚多。其未與保舉之列者。亦著一體考試。不願出差者。聽其自便。欽此。

又奉

上諭。近聞奉差諸臣。起程甚遲。有至十餘日外者。殊非

遠嫌之意。著禮部酌定日期。酌爲定例。欽此。遵

旨議定。雲南貴州四川廣東廣西福建湖南七省。以十

日爲限。浙江江西湖北陝西江南五省。以七日

爲限。河南山東山西三省。以五日爲限。倘有逾

限逗遛者。禮部查明叅奏。

乾隆九年奉

上諭。今年鄉試屆期。著大學士尙書侍郎。於翰詹科道

部屬等官。各舉所知。交送內閣彙奏。候朕簡用。欽此。

隨經大學士等。將保舉各員彙單進

呈。奉

旨。著大學士傳齊。請旨考試。欽此。

乾隆十二年奉

上諭。今歲係大比之年。所有各省正副考官。著將應行

開列人員。通行考試。其不願考試者。仍於應行開

列中。著大學士九卿等。各舉所知。密封交送內閣通

呈。候朕簡用。欽此。

乾隆三十三年奉

上諭。今歲鄉試屆期。所有各衙門應開列試差之進士

出身人員。著吏部傳齊帶領引見。欽此。

乾隆三十六年奉

上諭本年鄉試屆期。需用考官。所有應行開列人員。仍著考試。並照上年之例。不必分別等第。止將不取各卷。拆名扣除。其入選進呈之卷。仍按各衙門次序。開列名單。帶領引見。俟朕簡用。該部卽遵諭預行辦理。俟回鑾後。於初八日考試。欽此。

欽定科場條例考

鄉試二

天鄉試同考官

現行事例

一 順天鄉試同考官。例用十八員。開列由

聖身之翰林院侍讀侍講學士詹事府庶

事科道部屬中書評事博士以上等官

國子監博士

本年應過

試者與主考官同日密題分別夾單。南五省人

爲一單。滿洲漢軍及北五省邊省人員爲一單。
均註明籍貫俸次科分。所有不應開列及例應
扣除人員另爲一單一併進

呈於本內聲明。恭請於兩單內

錄其咨取行查行知各事宜。均與主考官同。

出差隨

書登員內有奉

或遇出不及入闈者及點出後有事故者。奏明交

財

令同考官通融辦理。

各省同考官
無此辦理

一 遇有外道等事須有奉

一 遇有官者奏明令其入闈分枝仍交知縣
一 遇酌派一員接辦巡察事務

一 遇派房官將直隸籍貫並國子監衙門官

於本內知

一 南其新籍均應迴避之員另疏題明扣

例

雍正元年奉

國家掄才大典首重誠實主考遇房官屬

定其去取。則一榜衡鑒之當否。係於發策遣卷之賢不肖。亦匪輕矣。近科以來。

考慎重闈門。簡俊之典。於順天鄉試。及會試。均用
慮其人邪正不一。特命每房各用二人。同閱同
之互相覺察。彼此鈐制。用意良爲周密。但法久弊
一房兩考官。豈皆過秉公持正之人。設有二狡黠
參雜其中。卽爲賢者之累。况兩人或皆不肖。則朋比
作奸。其害不更甚乎。嗣後仍著照舊定科場條例。各
房止用一人校閱。其貴統專其功罪。亦無庸議。朕續

八 試官防盜

皇考求俊乂之志務俾鎖闥清肅盡得真才故特

舊章防杜滋弊欽此

康熙五十四年會試每房用房官二員

乾隆三年議准順天同考十八房

乾隆二十一年議准查順天暨各省主考官

由禮部開列具題惟順天同考因向有調取

京州縣之例是以獨由吏部題請今順天鄉

同考既已改用京員吏部可以不必仍循舊

具題應均歸禮部題請

乾隆三十五年議准協辦大學士劉綸等條

嗣後順天鄉試禮部題請正副考官本內將

辦大學士尚書以下副都御史以上開列恭

欽點其同考官本內將翰林讀講學士以下至部屬

博以上

文字入選者悉行夾單開列考差入選名單近科俱未交部禮部將

選試差人員南五省人員為一單滿洲漢軍及

北五省邊省人員為一單一併進

呈恭請

簡派。

乾隆四十

奏准。此次順天鄉試奉

旨派出之同考官翰林院編修王懿修一員。已於初四

日隨

皇子前赴

熱河。禮部照例知會主考等令派出之同考官通融辦理。

乾隆四十八年。御史楊壽楠奏准。查本年順天

鄉試

欽點同考官內有編修章宗瀛一員。查係浙江人。寄籍順天。後經改歸本籍。例應迴避南北皿及貝字號卷。該員上屆庚子科。曾充順天鄉試同考官。遂將中皿卷專歸該員一人閱看。雖係一時酌辦之法。但自上屆鄉試以來。皆知該員爲專看中皿之人。外間不無預爲揣摩。殊非遠嫌杜弊之道。請

旨勅下主考內監試。將八旗及奉天宣化承德等處試卷酌量分給。所有中皿之卷。毋庸仍歸該員閱

看嗣後遇順天鄉試應令禮部題請

欽派房官時將似此南北兩籍均應迴避之員另疏題

明扣除

乾隆五十一年奏准順天鄉試南北中皿字號貢監生數千人皆屬在京肄業國子監官員平日職司訓課誼應親近臨時由監錄科送試若復預科場校閱現在雖無弊竇然防閑不可不嚴應請嗣後開列順天鄉試同考官本內將國子監官員扣除於科場益昭慎重。

附載舊例

順治二年定鄉試房考京闈用中行及候選進士如不足取在外推知到京卽送赴察院衙門候順天府會宴之日伴行入

朝同主考監臨等官

陸

辭入院簾內官專司校閱有越俎侵事聽所司叅奏

順治五年題准順天府考聽禮部會同吏部選

用

順治十一年題准嗣後有內閣中書應鄉試不

得開送內閣中書分房

順治十四年議准各經同考官分閱分藏增閱

春秋禮記各一員

順治十七年定在京同考各官除郎中不差外

吏部取各部員外郎主事中行評博國子監科

甲出身官員及近京廉慎素著科甲推知開列

職名題請

欽定其守部進士亦行開列恭候

欽點即日入闈同考官先取進士出身者不足兼取舉

人出身之員

康熙二十六年題准順天鄉試同考官後六部
員外郎主事中等書等官及守部進士俱俾開列
止用直隸科甲出身知縣由順天府咨呈吏部
行文直隸共起送三十員限八月初一日來京
不許私寓外城候題請

欽點

鄉試考官

直省鄉試同考官

現行事例

一直省鄉試同考官。江南十八人。浙江十六人。
江西十四人。山東河南福建十二人。湖北陝西
廣東四川十人。山西湖南九人。廣西雲南貴州
八人。該督撫調取由進士舉人出身之州縣官。
其同知通判內有學問優長者亦准調取。直隸州知州
州停其考試四書文一篇策一道。年壯學優者
取用。

准入內簾。

一直省鄉試內簾官。各該督撫應照定例先期調取科甲出身之現任州縣等官考充。如不敷派。准於卽用分發各員中。詳加遴選。參用務將現任人員。實在不敷考選情形。詳細專摺奏明。

例案

順治二年定。江南各省鄉試考官。俱如京闈例。取到嚴加磨鑄巡察。入簾宴畢。同主考入場。

雍正元年奉

上諭。聞各省鄉試房考。凡州縣官由科甲出身者。止許入闈一次。夫房考以秉公精鑒。識拔文才爲主。何論會否入闈。嗣後凡遇鄉科。各省督撫臨場調齊科甲出身之員。不論已未分房。監臨試以時藝一篇。其文理優長者。入內簾房考。荒疎者。供外場執事。則分校得人。而佳文盡拔矣。欽此。

乾隆五年
增策一道

雍正十三年。覆准嗣後各省鄉試房考。令各督撫於科甲出身屬員內。詳慎考覈。不拘進士舉人。及曾經入校之員。俱准揀選入簾校閱。

乾隆五年覆准。鄉試同考。應令各省督撫將應行入簾之員。預訪其品學素著者。調取來省。照例試以時藝一篇。策一道。其文理優長者。准入內簾房考。其次供外場執事。

乾隆十五年奉

上諭。今年鄉試屆期。已降旨令直省監臨等官。嚴加搜檢。屏除弊端。以副賓興大典。朕思外省房考各官。例於本省科目出身之現任同知通判州縣調取委用。向因入闈閱卷。非隔省遠出可比。所有印務。例不委

署理一應案件俱准展限。但計奉調之初。以及揭曉之後。爲期不啻一月有餘。公務既不無曠悞。且本省州縣等。不皆科目出身之員。每值鄉闈。皆可先期揣摩。而州縣等以本任無署理之員。雖經奉調。其於未入簾以前。甫撤棘以後。一切稿案。尙須攜帶辦理。中間幕友胥吏家人子弟往來出入。或不免與士子結納夤緣。招搖生事。著於本年爲始。各省房考於奉文調取之日。卽委員署理。案件不必展限。庶該房得以嚴密關防。專心分校。而士子等不得妄希幸獲。照

應關通以慎司衡以重官守著爲令欽此

乾隆十八年議准查順天江南房考官各十八員毋庸議減陝西房考官十二員已於乾隆九年減定科舉後奏請減去二房定爲十房雲南房考官十員已於減定科舉後奏請減去二房定爲八房毋庸再行議減至江西房考官十四員山西房考官九員廣西房考官十員乾隆五十七年奏減四川房考官十員湖南房考官九員以上五省房考官無閒曠亦請毋庸議減

東房考官十四員。今酌減二員。定爲十二員。河南房考官十四員。今酌減二員。定爲十二員。貴州房考官十員。今酌減二員。定爲八員。湖北房考官十一員。今酌減一員。定爲十員。浙江房考官十八員。今酌減二員。定爲十六員。福建房考官十二員。今酌減一員。定爲十一員。乾隆二十五年又奏增一房。廣東房考官十三員。今酌減三員。定爲十員。

乾隆十九年覆准。嗣後各省鄉試內外簾官將

直隸州知州。停其調取。

乾隆二十一年奉

上諭。外省鄉試同考官。例於州縣內之科目出身者。考試入簾。然該督撫往往視爲具文。率以地方不甚緊要。而辦事平常者充其選。又或年力已近衰頹。精神不能周到。亦得濫竽其列。夫衡文之柄。雖專在主考。而分房閱薦。必須藻鑒精明。方不致有魚目之混。且應試士子。大省或數逾萬人。主考官卽搜查落卷。又豈能遍閱無遺。如分校之得以從容詳審乎。今歲鄉

以爲難。所有各省同方官其令該督撫等慎重遴選
試擇其年壯學優者共襄試事以副掄才大
惠。如屬不過匝月。本仕卽策劇原有委員代理。於地
方亦何致貽誤耶。可將此通行傳諭知之。欽此。

乾隆二十五年議准。福建考官周煌等奏。嗣後
該省鄉試仍用房考官十二員。

乾隆三十二年議准。御史姚晉錫條奏。嗣後鄉
試同考官務須恪遵定例。於現任州縣內考選。
其在省候補及暫行委署並借補佐貳者。概不

准入內簾

乾隆三十六年議准。署雲南巡撫。諸穆親條奏。雲南現任之員。爲數較少。而每年運銅。皆須州縣以上官經理。差委較他省爲多。其餘現任官員中。或非科甲出身。或任久舉業荒疎。不敷考選。而現在委署正印人員。與閒居省會。聲氣易通者。有異入聞。襄事亦可無虞。滋弊。應如所奏。嗣後該省鄉試同考官。照例於科目出身之現任州縣知縣。判。酌取外。如有不敷。即可見

在委署州縣以上人員一體考充。其非現在委署及借補縣丞等官。仍照定例。概不準入內簾。乾隆五十年。議覆御史丁雲錦條奏。查江南鄉試內外簾官。向無調取本省人員之事。但未明立科條。恐臨期調取。辦理易致混淆。應如所奏。載入科場條例。俾有遵守。再查陝西省亦准用甘肅籍貫人員。應照此畫一辦理。

乾隆五十三年。議覆安徽布政使陳步瀛奏稱。嗣後安徽知府直隸州中。有籍隸江蘇人員。遇

所屬州縣開送簾員。其子弟親族一體迴避等語。自爲嚴立防範起見。應如所奏辦理。至陝西甘肅所用內外簾官。比之江南爲數減半。其情形徵有不同。然亦不得不嚴爲防範。請嗣後現任陝西甘肅知府直隸州內。如有籍隸兩省之人。卽由監臨巡撫查明毋庸調取。該府州所屬之州縣入簾。其子弟親族卽可無庸迴避。

乾隆五十七年議准。廣西巡撫陳用敷條奏。查定例內開。廣西省鄉試內簾房考額設十員。今

奉該撫奏請量爲裁減查雲南貴州二省同案
官向例俱係十房嗣因該省應考人數較元
爲少雲南省於乾隆十五年裁去二員貴
於十八年減去二員俱經奏准在案今屬
與雲南貴州省分相等應試人數多寡亦不甚
懸殊應如該撫所請裁去房考二員祇留八員
自下科爲始卽照所裁員數調派入闈分校
乾隆六十年湖南巡撫姜晟奏准本年鄉試內
簾閱卷官例應於現任科甲出身之丞倅州縣

內考選今各項人員多因經手軍營要差不敷
差委查本年會試後分發湖南試用知縣二十
九員現當陸續到省此項甫到人員既無交接
文理亦未荒疎擬飭藩司即將該員等考選竣
用

道光五年江西巡撫成裕奏江西鄉試應派內
廉閣各官十四房向例由巡撫調轄以科目員
身之不和知縣實缺人員充當其候補及暫
署各員祇准派充

將進士舉人出身之實缺候補等項各員。經
出題考試文藝實缺人員。堪充內簾者。僅止
數人。其餘各員。或文理荒疎。或體格不合。隨
於候補人員中選擇。卽用知縣蔣啟敷沈鑑二
員。與實缺各員一體充當內簾等因。一摺。奉
硃批。是知道了。欽此。

道光九年。禮部議覆。掌京畿道監察御史牛鑑
奏。奏外省鄉試房考。參用卽用。分發各員一摺。
查直省鄉試同考官。定例必以實缺州縣考充。

原恐候補各員閒居省會。既無關防。易起請托等弊。是以祇請調取實缺各員。又慮服官既久。文理荒疎。先期試以文藝。必須年壯學優。方准入內簾分校。至實缺各員。偶遇一時不敷。派用如從前湖南江西等省。於候補人員內考選。一體充當。俱係專摺奏明。則通融之中。仍不失詳慎之意。今該御史請參用。卽用分發各員。係爲擴置分校起見。應請嗣後各直省遇有鄉試之

年。該省巡撫應先期調取科甲出身之

現任鹽運使司鹽課提舉司提舉任各屬
文理荒疎或經手考選在不敷考選定於
相分發我員中詳請選擇其文理優長者
實缺人等一理充區仍照從前湖南江西各省
賊案由該督撫將現任人員實在不敷派用情
由詳細造數稟請奏明以重分校而杜弊端
附載舊例

順治二年定各直省場考取本省科甲屬官不
足贖降省科甲推知及鄉科教官掛議運請者
不與其房數悉以各直省科舉之數為準每房
分閱三百卷或二百五十卷計數分房計房取

官而其應取者必以治行最年力強學識俱到者為主至於春秋禮記孤經恐易揣摩臨時聽監臨官互換房分易詩書三大經入簾次日亦聽監臨官將房考官單密送主考官臨分卷時照單定房以杜關節之弊

順治十七年定在外同考各省督撫公慎酌量扣定日期將本省及隣省才望素著推知或科甲教職等官倍數密取到省即日公闕入闕以絕弊竇以上各同考官先取進士出身者不足兼取舉人出身之員

康熙五年議准各省鄉試同考官以本省內進士舉人官員用如不足方於隣省聘取

康熙五十年議准直隸江南浙江鄉試人數倍於他省應照會試例加用房考二員

雍正五年

議定鄉試官嗣後除順天鄉試仍照例開列各省

地方官各將在籍候選

取至省城照例開防不許私相交接主考官進
關之日監臨督撫傳集調取之進士舉人常堂
公同製籤掣得內簾者即令入闈分校其餘即
令回籍至外簾收掌受卷滿封騰錄對讀五所
官仍於本省府州縣佐貳等官內選擇委用其
調取之進士舉人往來路費每人給銀三十兩
應在本省公費內動支并令該督撫酌量道里
遠近互相調往其附近三百里內者不得混行
咨送如咨送人員內有暗通關節貪緣作弊者
令該督撫監臨題奏照例治罪其餘處分悉照
科場條例至本省知縣入簾之例概行停止
雍正十年題准外省鄉試調取隣省文行並優

之進士舉人。舉得內簾者。令其入闈分校。其餘
未得舉入內簾者。即令分舉外簾。辦理收掌受
卷。彌封。磨錄。對讀。五所事務。應將調取本省佐
貳。委用外簾之處。悉行停止。其各省學習進士。
預行闕防。臨期由藩臬兩司。查明經書。籍貫。履
歷。開送督撫。與調取隣省之進士舉人。當堂分
單。內外簾官。如有疏通士子。關節者。該督撫
隨官一經察出。即行題參。照律治罪。

雍正十一年題准。鄉試之年。各府州縣。將所屬
在籍之進士舉人。訪其文行素優者。保送各該
督撫。送省。考取時。藝一篇策一道。取其文理
優者。送隣省。聽其照例舉。舉得內簾者。
以內。因舉得外簾者。以外簾用。如有學問荒
疎。監。送者。仍。除主考房考。照例議
處外。其。不。之。與。加。處分。

乾隆元年。本省屬。內。少。一。一。
隣省教職。內。取。
乾隆三年。道。

旨議往。

江寧安徽既經增額分中。應將詩易二經。添設
同考官各二員。其直省同考。分經各房。附列於
後。順天同考官十八房。易經五房。書經四房。詩
經五房。春秋禮記各二房。江南同考官二十二
房。易經七房。書經四房。詩經七房。春秋二房。禮
記二房。浙江同考官十八房。易經五房。書經四
房。詩經五房。春秋二房。禮記二房。江西同考官
十四房。易經四房。書經三房。詩經五房。春秋一
房。禮記一房。山東同考官十四房。易經三房。書
經三房。詩經六房。春秋一房。禮記一房。山西同
考官十二房。易經三房。書經三房。詩經四房。春
秋一房。禮記一房。河南同考官十四房。易經四
房。書經二房。詩經六房。春秋一房。禮記一房。陝
西同考官十二房。易經二房。書經二房。詩經六
房。春秋一房。禮記一房。集同考官十二房。易
經四房。書經二房。詩經四房。春秋一房。禮記一
房。湖北同考官十一房。易經三房。書經二房。詩
經四房。春秋一房。禮記一房。湖南同考官十一

一房。易經三房。書經二房。詩經四房。春秋一房。禮記一房。廣東同考官十三房。易經三房。書經二房。詩經六房。春秋一房。禮記一房。廣西同考官十房。易經三房。書經二房。詩經三房。春秋一房。禮記一房。四川同考官十房。易經三房。書經二房。詩經三房。春秋一房。禮記一房。雲南同考官十房。易經三房。書經二房。詩經三房。春秋一房。禮記一房。貴州同考官十房。易經三房。書經二房。詩經三房。春秋一房。禮記一房。

附載駁案

道光十一年。議覆山西巡撫阿勒清阿奏請添派同考官一摺奉

旨。前據阿勒清阿奏。山西省鄉試。請添同考官一員。當交禮部速議具奏。茲據奏稱。該省自議定一房考九員。歷科校閱。並未貽誤。其去取之賞。雖在經講文理優長之員。悉心分校。不在多設一員。此時邊議添設。未

免更張成例且恐各省援照聲請亦涉紛更所有該撫奏請添派同考官一員之處著毋庸議現在鄉試伊邇該撫條奏科場事宜亦屬違例阿勒清阿著照例交部察議欽此。